

十一卷

七言古體二十九首

十二卷

七言古體二十六首

十三卷

七言古體二十七首

十四卷

五言律體二百五首

王氏家藏集

氏家藏集卷之十一目錄

七言古體二十九首

梁苑歌三首

繫井歌

梁園白雪歌

華木注歌

終南吟贈王堯卿

羨陂子還山歌

曲江池醉歌

俞子南歸行

送張子醇督稅歌

哀鵲篇

送李侍御還京歌

青山吟

鳥鵲吟

長歌行贈戴仲鵬

揚州與鹿門子飲酒歌

廣陵行

東方生篇

巴西壯士歌

清猿吟

采石歌

亳都行

贈盧侍御伊川巾歌

王侍御一樂堂歌

金內翰五泉歌

留鶴行

鶴溪篇贈王子揚

鐘石歌贈費子和



王氏家藏集卷之十一

浚川王廷相著

門人鄒紳湯紹恩余承業校正

七言古體

梁苑歌三首

君不見梁王已破六國壘苑中便起文園臺黃  
金白玉架樓閣綺榻延賓四向開清冷池上三  
尺雪相如新賦傾鄒枚臨邛美人鬪花朶挑以  
琴心禮豈那漢庭賣賦得千金白首遊梁計亦  
左今人空作古人風抱策為儒歎不逢嗚呼古



來文士不檢豈足病且覽詞彩如長虹

二

梁苑東連孟諸野舊國山高水彌下黃金觸斗  
不作樂徒使千年笑達者君不見漢天子愛弟  
侈賜空大盈梁王受之不一驚合香金根車宛  
轉玻璃駟突然馳道流日星千乘萬騎敵鹵簿  
貴焰豪華傾九瀛百年之後君爲誰有酒莫惜  
千金揮不信試看梁王苑狐兔草馳鬼火吹

三

黃河東來沙填海陳留十山幾山在梁王古苑

九地深歲歲龍蛇窟穴改我田在苑苑在東灌  
園鑿井當其中雁門兩黃鶴抱琴雙玉童行歌  
曳杖如遊龍前身恐是河上公君不見七十二  
帝如旋蓬惟有堯舜流高風人生百年電閃閃  
何必希時釣譽攀援日月獨爲功子雲草玄恒  
不調虞卿著書仍固窮我懷欲附沙洲鴻

鑿井歌

素業大梁郊開門即廣野簸弄無滄流安得清  
泉瀉鑿井汲澄深學作灌園者畦蔬雜花卉猶  
堪樹枌檟井上瓊枝秀嬾娜十年相見碧崖峩



玉山鸞鳳幾時至乞與高梧長作窠

梁園白雪歌

浚郊臘月三丈雪壓坵梁王百尺臺梁王勝跡  
今何在野人指點蓬池灰憶昔金輿下東苑翠  
葆雲旛曳流霞鬼園鳥沼生光輝白晝瑤瑤動  
樓觀才人雲從飄渺仙當軒授簡揮雲煙陽春  
不說郢人調白雪爭傳司馬篇我家住近梁王  
洲今年雪大膠河流蛟龍凍縮若蛭蛭我亦冰  
透紫綺裘玉山銀海興不淺十度欲賦九復休  
手龜形管搦不得呼兒且酌黃金甌

華不注歌

岌業登齊城瞰華不注峯蒼壁峭孤雲怪石蟠  
虬龍驚風噴蕩萬里來靈氣直與秋爭雄岱麓  
羣峯秀嫵娜蓮葉芙蓉萬千朶白日雲霞相蔽  
虧梁父岵岵朋一火崒崒華不注別出三山支  
仙人移家過西海墜落拳石成崔嵬平地突兀  
青刺天不一倚附資維持我昔東遊走其下泉  
上盤石一停馬崒磴查牙不得上曾次巉天詎  
能瀉濟水奔流東入海綠波遶山年年在紫鳳  
不來烏鳶翔石上琅玕日沉彩嗚呼風塵瀕洞



兮逢時之危龍蛇遁藏兮豺狼恣睢孤臣獨立  
兮不愧茲石浩氣沈寥兮極于兩儀

終南吟贈王堯卿

太乙巉巖太白東中有佳士才且雄西京之俠  
贈龍劍凌轢不數渭上翁被褐忽來謁天子  
手接雙霓弄海水蛟螭嚇人磨齒牙拂衣還入  
雲厓裏雲厓千萬丈莽蒼臨平野白日歷高標  
飛流絕奔馬龍虵蕭蕭謝傅心溪谷盤盤遠公  
社冷泉終日快聞韶古木千章不知夏桐花乳  
鷺午風輕茅屋荒池夜雨晴幽人開尊

客來相對稱達生春陽遲遲鳥鳴欄美稼離離  
人上坪藍田輞川在何處圖史常垂諫議名中  
原猶格鬪豺虎日侵尋七澤波寒洞庭遠九疑  
雲盡蒼梧深百年悽惻終南心爲君寫作終南  
吟斲茅卜居夾深泝白髮相將彈舜琴彼美人  
兮望不來朱絃瑤軫漫相開野人醉倒嘯歌起  
萬壑秋生明月臺

羨陂子還山歌

少微宮中星彩蝕先生歸來盤白石終南山前  
玉光發先生采苓歌明月明月徒照青林人開



言家集卷三  
西  
花落花空惱春春風入門兩佳客  
委墜枯稿羞常倫飄翩鸞鶴本難匹  
出沒蛟龍自有神君不見風雲不發  
李飛將奴史封侯取卿相敬通文章  
絕世竒垂老蓬蒿苦相向古來萬事  
安足辯誰向蓬萊問清淺池魚城火  
今何辭白壁蒼蠅詎能染太乙山  
羨陂水搖蕩晴春幾千里長日獨  
彈琴青天時隱几不為枯杳悲逝  
波且倚幽蘭賞佳士佳士栖碧山  
浮雲任往還著書彌歲月消息滿  
人間人間五嶽慶雲開天上六龍  
白日迴東山終為蒼生出綺皓還  
因嗣帝來嗟予

留滯秦城東鄣杜風流在眼中  
梅花雪落空惆悵明日關門自轉蓬

曲江池醉歌贈長安諸公

長安諸公虎鳳客曲江宴我春微茫  
江邊草沒古皇蹟塔前雲散千佛光  
人豪意遠詞錦鮮尚書御史紛瓊筵  
鄴中文學不足數洛下風流漫自賢  
健氣觚稜紫鷗下秀儀合沓輕鴻翩  
迎春送客意超忽絃管啁啾沸遠天  
華嚴御宿平如掌豁豁晴川新陽上  
古人不來今人來百花樓臺半草莽  
裊裊富春竿纂纂東陵瓜吾道貴沉



冥濁俗衿繁華暮擷芳蓀朝餐紫霞王喬赤松  
韶顏如花海裏三山接羽翼人間萬事真泥沙  
金魚繡服有何益食封開府虛相誇君不見漢  
家昆明金作池旌旗影滅石螭沒又不見唐帝  
芙蓉花爲苑殿幄香沉烟卉發清渭常流東海  
波南山不斷諸陵月請君休歌行路難直須痛  
飲金壺乾醉向江頭照容鬢百年幾許身心間  
牧羊小兒垂赤紱屠龍豪士淪幽山妖虹無計  
洒赤血天狼未滅空長歎彈朱篋擊鼉鼓催花  
不開白日暮腰間寶劍雙龍精把向尊前爲公

俞子南歸行

君不見俞子昂藏不合世買舸便作江南歸風  
雲聞淡駭八裔翻然羨爾冥鴻飛蓬萊之毗海  
爲國濟時共許文章力君今掉臂不可留坐令  
海岱無顏色憶昔獻納金門裏亮節丹衷帝  
深倚憂時苦論切天人諫獵新書動朝市丈夫  
心事耻乞榮補衮承華報天子東方士女貧  
無褐懷保依依慰飢渴五載淹留方岳臣功著  
旬宣百不伐正憐鵬運霄漢長不意驪駟有顛



賦衆口鑠黃金三言成市虎曾參稱大賢慈母  
亦投杼楚人識烏不識鳳硬說山鷄作仇侶嘔  
出心膽事他人報我不直士與直行路難行莫  
歎吁古來賢聖早迴車千金散盡樂鄉井絕代  
賢哉見二疏君家住近梁溪口麗水佳山豈相  
負黃鳥春來歌向人蓮萼紅時大如斗圃中旋  
種故侯瓜門前已長先生柳解官自是形神逸  
况爾煙霞真入手採芝學取東園公招隱欣逢  
小山友棠棣花時春酒香兄弟開筵更相厚千  
洲萬勸始快心白璧黃金詎足壽浚川野人愛

蕭散送客南歸意何限天馬那慚轅下駒文犧  
空羨溝中斷儒冠得意安足驚表馬勛華煙霧  
情君不見稽康脩真阮公醉於世脫屣稱達生

送張子醇督稅歌

歎歎鶉火月君來自北闕飄霰歲云暮君還向  
闕去車輪不息馬蹄倦行子凌兢日長嘆公家  
集事急於火官守驅人自湏那君不見扶桑日  
朝出暘谷暮西海又不見崑崙水滾滾東流不  
相待天地之運無寧居人生安得常晏如丈夫  
落地四海身盤拏雲霧蛟龍神小從赤縣拯焚



弱大可黃閣敷絲綸不然提師出塞橫走馬平  
胡勒石燕然下張子行年方五九骯髒官落他  
人後天生豪賢應大成鳳閣閣麟臺此何有遑遑  
仲尼轍虎兕日在野七十二聘不憚煩唧唧縮  
縮何為者

哀鷓鴣篇

誰氏養鷓鴣猶土苴棄之不顧臨中衢雙眸無光  
晝常閉羽毛摧落秃鷓鴣如憶昔秋風颯杏蕩四  
澤影影飛雲鬪剽疾高禽狡兔一擊盡毛血半  
洒平蕪赤何爾失周防將身入羅網幸不克鼎

俎猶自全爪掌夫寒伴枯查日暮投空墻泥潦  
尺咫不得過鷓鴣最爾來相傷君不見魏其侯  
熏天足權勢一朝解却丞相簪滿堂賓客席不  
避又不見李將軍匈奴畏如虎偶然謝事城東  
居黑夜反遭陵尉怒爾鷓鴣爾鷓鴣失精彩萬里冲  
霄志仍在安得明年六翮如雲長見爾凌秋過  
滄海

送李侍御還京歌

君不見 聖人納言如流水天下御史生顏色  
封章朝上暮竄誅權貴摧眉群工式臺中直氣



誰最多洛陽才子兼風力昨來持斧按東方殷  
地風雷岱宗及豸冠白筆霜稜稜百二十城誰  
不驚貪殘解印望風去赤子安堵刑罰平幽巖  
邃壑又不燭手攬日月垂光精仰闢天門散颺  
露炎歊滌盡清涼生吁嗟攬轡無前哲抱此澄  
清獻金闕神龍作澤有餘波高隼擊空寡柔翮  
一隅豈盡經世才四海終然望夔契浚川野夫  
真繫匏直道不逢安所遭十年天上兩擯斥向  
來心膽空清豪前騎黃鵠後靈鰲安得從子遊  
赤霄

青山吟

江東自古佳山水路出當塗佳麗深遙巖香嶂  
不可越懷古聊作青山吟青山峩峩凌紫冥秋  
天屹立雙翠屏瑤華生時九仙下空青澤處千  
巖靈謝公宅古流煙霞黃金樓觀僧為家長庚  
無光太白死石壇荒塚空桃花文章白日燭海  
嶽精靈黑夜飛龍蛇吁嗟賢豪皆已矣鳳遊龍  
變須臾介世塗擾擾可憐生我欲藏身玉壺裏

烏鵲吟

烏亞亞鵲查查東方日出人辭家黃鵠高飛伯



勞嗟城頭伐鼓城門開送君早上黃金臺車輪  
遙遙何時迴九月江南好天氣日日江頭望君  
至鴻鴈飛天飢下地天涯恐有相思字

長歌行贈戴仲鵬

憶昔出入金門時青雲之客傾相愛春宴屠蘇  
琥珀光雅會辭章鳳凰彩長安街裏日經過中  
書翰苑風流在一落勾榆歲已深人情緬邈風  
花改玉堂豪俊不可攀宛轉孤蓬守滄海浦口  
雨波春碧滋片帆落日遙相期朱簾盡卷使君  
府赤欄白石春風池池上鶯鳴花四五月點點倒

浸青琉璃盤行彫荔餌玉脯奴劈金刀雪藕絲  
他時相憶風塵外今日深盃詎可辭君不見淮  
陰里中兒生年抱劔長苦飢壺飡低頭謝漂母  
大言千金爲母啗一朝風雲起屠釣揮劃四海  
蛟龍飛巨纛紫虬毛斗印黃金螭齊城七十駭  
奔電楚兵八千如死灰丈夫談天要有底草露  
功名安足紀簞瓢九鼎豈殊科尼軻堯舜終相  
似官園春盡花紛紛醉裏高歌那得聞明朝解  
纜五湖去蘅葉洲邊應憶君

揚州與鹿門子飲酒歌

鹿門子襄陽伯興也



前年勅放東海濱乘閒日弄滄波春有時回首  
玉闕下浮雲萬里生氣氤剖心未酬 明主顧  
一劔長留國士身蒼蠅具錦意不足何日金鷄  
赦逐臣翠華雲影飛僊路吾道窮途安足數鳳  
鸞鐵羽投長沙鸚鵡詞高忍羈旅襄陽夫子豪  
俊才古情道氣空九垓念我飄零日月長悲歌  
激烈形神開神開歌促勸我酒酒中盼劔心相  
厚公館春花笑向人顧我窮愁復何有昔年骯  
髒見天子祇今索莫風塵裏白日沉銷五嶽光  
九地龍蛇飛不起許由被堯讓巢父聞之耻逃  
此箕山陽臨溪還洗耳鹿門亦有龐德公獨携  
妻孥遠城市鷗夷之舟已電滅至今五湖水清  
泚原生環堵長蓬蒿孔聖曲肱亦飲水丈夫不  
逢同所歸古人高節眼中稀清春好着東山屐  
莫遣風霜慘客衣

廣陵行

野客回橈噴霜雪廣陵煙水春迷茫海門潮上  
如砭石揚子逆捲飛濤長古來形勝眼前在人  
事紛靡日華改二十四橋赤欄新祇今明月常  
相待荒唐之帝千餘秋不忍言之亦子愁離宮



別院七十二此生欲徧人間遊翠華宮中夜啼  
烏天子詔幸維揚都九門車馬如風雨宰相已  
進南巡圖諫官叩陛侍者麾玉姬被逐小臣危  
嵩靈河伯駭以走洪波不流風倒吹山鷄翡翠  
空如錦誰能留住鳳凰兒彩旆初臨汴河許飛  
心已入金山浦龍舟不載羽林軍錦纜成行紫  
宮女宮女明粧皎白雪却愛瓊花光艷絕不道  
蛾眉能誤人番使君王棄宮闕蕭牆禍變豈虛  
作斗外天狼夜蝕月十年寶井生琉璃猶有精  
靈自嗚咽楚關吳口山水明紫霄終日浮雲生  
市朝變盡滄波綠不斷扁舟載客行客行繚繞  
隋皇堤堤上春風楊柳齊傷心欲弔前朝事楊  
葉楊花路轉迷

東方生篇

矯矯東方生學道竊大旨人驚歲星精自負遊  
龍士鵬冠不灌蓬蒿園避世來趨金馬門一朝  
奏帝三千牘大衍鴻蒙動至尊年年娶少婦棄  
去如傳舍所賜黃金空君豈風狂者將軍虎氣  
鬪沙磧宰相冰山斥荒域爾獨浮沉遊帝庭巧  
取身名等盤石建章宮中擊銅魚王母謁帝迴



雲車千門萬戶側耳聽軒外小兒如虫蛆當時  
留得偷桃語至今人信東方書

巴西壯士歌

巴西壯士薊門豪不惜千金買寶刀天子怒  
討西南夷夜聞起舞披珠袍珠袍艷艷雲錦花  
追風逐電連錢駟一箭奪却鐵鎖關不道破虜  
龍城沙將軍飲馬泔河水魚麗連營五十里殺  
氣陰沉塞九寰白裸烏蠻已心死夜占太白識  
乾符朝看風雲演陣圖生擒乳虎穴中子白奪  
驪龍頷下珠當年頗似尋常者五陵年少誰相  
下此時爭覩李將軍更羨飛雲汗血馬匣裏龍  
韜赤羽旗指揮兵馬決天機功成奏凱獻明  
主氣殺長安任俠兒

清猿吟

南中猿嘯悲且清北客乍聞心悽感宛如童謠  
淇上歌又如笛弄江南曲縹緲遙從雲際來千  
岩萬壑清商開欲披雲霧往聽之杳嶂迥隔青  
楓臺天生靈物一何久毛雪千年應仙壽超林  
度箒如飛風虞人獵子空回首落日明霞閃餘  
素徃徃清吟滿行路有情無譯祇自知百嘯于



哀欲誰訴蕭蕭落木秋山蒼泠泠流溪秋月涼  
羈旅孤臣正憔悴三聲應斷九迴腸

采石歌

孤舸暮投采石港空江無風夜翻水須臾天變  
江冥冥迅雷擊裂石門嘴岸頭人語寂復說問  
之蛟鱓夜爭穴老鱓鬪死十丈餘委蕩波濤半  
腥血吁嗟兮威權神力世所伏胡不遜之遭其  
毒

亳都行

桐宮桑林古帝國千年跡滅名空在龍山連陵

寒雲無窮滴水東流海明王朝元殿魏武省  
修臺蟠螭剥白石古棘崩蒼厓雄豪已逐暮雲  
散精靈時向空林哀燦燦瑤華苑紺殿伯陽宮  
古木蔽日月萬瓦摧魚龍黃鶴秋飄翻丹井水  
崢嶸猶龍恍惚度沙海惟有藥草年年生城中  
連延三萬戶中有豪家多官府賓客賴作遊冶  
盤翠幙層樓對花樹桃花飛入窺洞房洞房七  
十紫鴛鴦花裏仙人散風雨迴笙合瑟春迷茫  
簾底芙蓉兒不知上客尊臨池纖手雪藕絲金  
盤相勸故意勤滴露金叵羅停雲玉樹歌楊花



飛蕩烟相和黃鸝紫燕春心多玄晏先生鶴  
衣閉門三月學著龜有書不敢犯千卷  
徒爾心神飛帝德雄圖流水去至今  
處若使豪華鎮相守季倫不次  
牛紫氣紛河上公兮同出秦遨遊玄圃三千闕  
藉手雲霞謝世人

贈盧侍御伊川巾歌

蓬仙東歸凌高塞巫峽巉巖岫可攀扶桑日出  
不照地迴風吹裂雲華冠我有青霞綺燦燦  
花澤鮫人織成水紋碧素熾染出青天色

伊川巾贈君戀明德法象涵二儀道氣空九域  
當年照影洛橋水儀鳳飛龍宛相似羊裘臺笠  
真野人羽扇綸巾彼豪子君行沐髮陽之阿草  
坐籠頭厭朝市洞庭山前春水生素舫搖春白  
日晴古情古服兩蕭洒更覺梅花分外清梅花  
拂帽桶片片墮香雪歌嘯凌雲煙塵響一時滅  
吳中佳麗海天開君到風流日幾迴謝傳蒼生  
懸望切繡衫烏帽正相催

王侍御一樂堂歌

瀛島飛樓十二重羽仙靈氣連江東青霞赤日



水天動翠壁金堂煙霧蒙金堂復玉蕊縹緲上  
清家紫鳳朝九藥青猿夜汎查玉喬柱天九節  
杖麻姑掃日三珠花江上高堂連閣起仙苑君  
家兩相似堂中徃徃流春暉瑞靄天生萬重綺  
靈椿忘記何年代萱草離離長不改棣花相拂  
紫荆枝搖裔春風滿光采繡衣御史真豪絕文  
采風流照雲月天倫無恙古所稀况是金莖變  
華髮雲笙吹雅辭雕俎饌芳芝載舞老萊服言  
歌頌弁詩眼前真樂有如此堯舜垂衣空爾爲  
南山佳色壽筵開東海清波玉醴迴青鳥嘶書  
頭並白飛來飛去遶蓬萊

金內翰五泉歌

海客凌扶桑簸弄紅錦滿蓬萊坐見水清淺迴  
波不盡流人間左綿山高天闕峙中有飛泉噴  
清泚煙霧春霏滄海瀾珠璣夜濺星河水灑空  
玉瀑翠微連瑞靄靈氛散遠天鸞儀倒映三珠  
樹花氣遙通五色泉泉裏仙人蘭臺客愛挹清  
冷坐朝夕濯髮行修鴻寶篇洗心時沃丹砂液  
君魯獻賦承明殿文彩聲名滿霄漢山中注書  
今幾時彤閣嘉祥待述撰謝傳東山各一時蒼



生懸望未云遲  
脩然遠與世塵隔  
泉壑風流且自竒  
春來泉壑起鳴雷  
天上風雲百道開  
請看白日煙嵐窟  
時有遊龍行雨迴

留鶴行

小泉丈人雙白鶴  
弄影凌煙誇羽儀  
不輕携向北辰遊  
留在故人青草池  
朝啄池中菖蒲根  
暮踏池邊苔蘚紋  
朔風高唳自相和  
清商迥入滄江雲  
裊裊垂楊館蕭蕭  
紫葢閣雖無乘軒  
榮頗亦得所託鳳凰  
久不來時復友鴛  
鵲稻梁蕭條飽汝  
難涼蟾清吹殊不  
惡有時池上臨清  
泚見鶴分明見君  
子相思憂落北斗  
長覺後依然獨隱  
几蓬丘高處是君  
居鰲背扶桑萬里  
餘秋風養就冲天  
翼早晚傳君海上  
書

鶴溪篇贈王子揚

海鶴曾是丁令威  
化作仙禽有仙相  
却度蓬山三萬重  
來住君家碧溪上  
溪雲勃勃溪水蒼  
主人爲築鶴溪堂  
自從遊宦與鶴別  
金門沙水天之長  
春來夢鶴溪頭飛  
把杖便欲山中歸  
不愁滄海缺舟楫  
只恐青山老蕨薇  
吁嗟兮堯舜之朝  
貴清問小賢喁喁  
大賢悶嚴陵去作  
羊裘翁



恐使光皇信圖讖祗今蒼生渴霖雨好呼龍雷  
向天取袖中金壁大道經留待他年共鶴語

鐘石歌贈費子和

君不見橫林之野深鴻濛大溪小溪雙蟠龍北  
斗搖光幾時墮化石溪頭如巨鐘高標不啻九  
華朶靈彩豈數金鰲峰洄湍奔流下東極危巖  
峻坂連蜷噴薄激滾滾之長風青禽朱鷺飛導  
羽客時有笙鶴行高空鉛山學士誰與儔文章  
風節空九州避時曾作采苓客誅茅葺廬石堂  
秋朝弄石上雲夕濯石下流天地浩茫茫聊此

逍遙遊麻鞋布褐不苦甚寂壁立萬仞真好仇只  
今學士凌天步左拍鸞翔右龍驚石乎石乎不  
能從回首天涯但烟霧溪頭日日烟霧光古來  
神物寧久藏邂逅中朝徵柱石巨靈挾爾昇明  
堂

王氏家藏集卷之十一目錄

七言古體二十六首

登黃鶴樓歌

鍾欽禮江山晴雪圖爲鶴洲楊子題

贈王稚欽歌

思歸行示旒

秋水歎三首

汎湖篇

少谷子歌有序

香山九老圖歌



海山先生惠酒歌

遊張氏園池歌

贈別王司馬先生

七夕篇

九日遊觀音巖歌

梁苑二子行寄遠夫元傑

張中丞操江行

兩厓行

成都客星歌

贈吳總兵東城飲酒歌

孔雀圖歌

青城山歌

奉同章道克徐用先遊嘉州凌雲山歌

南昌行

焦氏園看花吟

介福堂篇

王氏家藏集卷之十一

浚川王廷相著

門人鄔紳湯繼余承業校正

七言古體

登黃鶴樓歌

自作武昌客日食武昌魚此地雖稱好風景三  
月不得梁園書黃鶴磯頭一訪古曠覽始覺形  
神舒黃鶴飛天幾千載黃鶴高樓至今在樓中  
之客日日新江水東流終不改蛇山一萬九千  
尺蒼崖突天如壁立闌干飛度俯空濶忽爾江



山有絕色鶴仙上天呼不來日月還照江中臺  
摧眉折腰果何益不如行樂心悠哉赤鯉黃金  
盤流霞紫瑤卮把酒莫列缺舉手招馮夷劃然  
長嘯江浪湧我醉起舞蛟虬飛誰曾搥碎黃鶴  
樓誰曾踢翻鸚鵡洲古來狂士已灰燼豪氣仍  
與江漢流我生不愧雄豪倫青瑣金門自致身  
一  
衣白簡搖海岳天子不怒權奸嗔朝拜龍墀  
暮投荒海濱鯨鯢磨牙伺人肉敢料沙虫不  
殺人前年 聖人陟九天日開明燭地戶雷  
霆一擊朝野清滌盡兇氛遂安堵天下學士生  
顏色顧我飄零漸收取洞庭之南蒼梧深常擬  
來遊豁遠心一朝入手非難事便欲因之訪舜  
琴人言楚人不識鳳德衰之歌何傲岸人言楚  
人不識王卜氏刑之良可嘆手中夜光虹電隨  
海底珊瑚未渠筭武昌之客黃鶴仙雲夢澤深  
蓬島連形容五十未枯槁此生已荷皇天憐白  
髮自長酒自醉不須倚劔驚流年

鍾欽禮江山晴雪圖爲鶴洲楊子題

我昔遊勾吳覽勝恣沿迴行吟牛渚磯清嘯石  
門臺江探雲霞窟海犯蛟龍堆不知天壤間那



復有蓬萊太湖空蒙傲溟渤飛瀾白書生風雷  
黃山刺天九千仞三十六峯蓮華開別來夢寐  
失幽雅祇今曾次猶崔嵬鶴洲仙人碧霞士鑿  
賞鍾生畫無比持來揭我春暉堂恍惚吳中舊  
山水落木覆洄湍高嶂疊晴雪谷烟深窈窕嵐  
光澹明滅小山桂樹臨江陬秦人桃花隔仙洲  
憑高送目者誰子對之不覺心魂幽披圖曠然  
懷遠遊振衣五嶽真風流何時再鼓江南柁徧  
訪天台鴈蕩秋

贈王稚欽歌

小作梁父吟發我千古萬古哀大道無微賢聖  
隱至今心膽成寒灰矯矯馮敬通文章擅當代  
口語成禍胎禁錮老煙海賈誼才高更少年獻  
納多在王侯先誰云絳灌不相忌却令流落長  
沙天吾宗學士難比數文炳龍鸞氣熊虎不逐  
長安齷齪兒低眉覩面求憐取心存匡濟人豪  
英白日未墮憂天傾閭闔九門不得入大叫直  
與蛟龍爭上帝不言闢者怒黑夜捨落芙蓉城  
芙蓉城關隔星辰望美人兮江之濱三閭憔悴  
自多事五湖放浪真間人茫然鼓柁不知遠窈



窈遊盡江南春紫清仙人笑相友不如且樂丘  
園身君今莫邪尚在無欲割兕象湏吾徒天馬  
之足果無恙刷雲看躍崑崙都里中小兒不省  
事鬪鷄賭狗矜頭顱君不見朝歌屠叟稱偃蹇  
八十垂竿渭陽汴時來歛作明王師分土營丘  
未云晚

思歸行示旒

我逐黃鵠泛江海鄂城却駐雲霄車洞庭雲夢  
秋漲濶懊惱不得梁園書梁園天際阻洪波憶  
汝遂作思歸歌著朱騎馬衆生相讀書講道賢

人科負郭之田足糊口季子安用黃金多爾不  
聞陶朱舊是鴟夷子二致千金富誰比生兒不  
才成禍胎何似扁舟五湖水爾不見梁王貴盛  
傾九陔兔園鹿苑如蓬萊樓觀燦煌煌照星斗鄒  
枚侍從群仙才百年生命歛奔電早時荒塚生  
莓苔梁王已去明月在月來還照梁王臺少年  
掌上運天下于今看取皆莽野江河日趨九地  
深萬事陵夷此非假當權秉國縮手難側身太  
息何爲者我年五十不耐苦今者不樂歲云暮  
灌園舊有蘇公井種果新成橐駝樹爲余灑掃



中林壇歸去河壩弄煙霧

秋水歎三首

漢江漲挾千蛟龍左蠡洞庭交映空無論城野  
水沒棟始知大禹多遺功野人田園波洶洶小  
舟僅可救妻子風雨硤衝浪蹙天新米要急何  
處市

其二

潛沔之區田弈弈古來恐是雲夢澤江高地卑  
視盆盎一蟻穴堤水為國豆莢穀穗熟半強造  
次豈得禾登場賈客乘流汎大舸農夫日

空墻

其三

大湖生魚尾篲篲小湖之魚亦不細鳴呼江漲  
何太湧湖水茫茫魚盡逝稻禾汗瀾望魚鮮慘  
中無魚那得錢今年官府索逋課安得羽翼高  
飛天

汎湖篇

漢江秋瀉天河水滙作平湖二千里郢東之山  
海上峯山人飄飄羨門子我乘素舫一帆懸鵬  
舉風飛欲上天棹歌不盡江南調落日滄流生



紫烟

少谷子歌有序

閩士鄭繼之詞人之豪予聞之未睹也偶覽其遺集有及予一詩云海內談詩王子衡春風坐遍魯諸生我昔傳聞薛吏部爲君遙式洛陽城嗟乎繼之念我深矣生也吾不及會沒而見其文已恨失繼之况平生有詩念余恨當何如耶乃作少谷子歌酬之焚其稿於燕之郊望閩海而再拜少谷有靈應鑒余意藉此神交慰我良友

君不見斯文天挺鄭少谷詞林閣筆推長雄六  
鰲之力戴九土昆侖挂天高穹隆左日右月抱  
兩丸象緯烟烟羅心曾文成直與元氣會思渴  
一吸滄溟空青蓮豪逸建安骨力挽古格追鴻  
蒙少谷子紫微宮闕遊不極却下勾陳徧南北  
日觀振衣盼東海鴈蕩天台幾眠食太白山人  
許相友時人碌碌安能識少谷子汝初抱策昇  
明堂予已跼蹐流海荒南天北極渺雲霧紫宸  
黃閣空相望彼時才傑遊帝傍信陽之何棠  
陵方大梁翩翩李川甫吏部薛生尤擅場我也



豈堪天下士君胡念之垂篇章少谷子古來神  
交隔山海安俟目擊道乃在覽君詞翰魂爽飛  
萬丈虹霞散天彩少谷子人生電掣須臾爾惟  
有文章流萬祀眼前得失浪喜悲富貴勛華盡  
泥滓少谷子人言海上多神山羽人不死常朱  
顏誰其獲者王子喬七月七日來人間君曾學  
道叩玄牝吹笙騶螭應來還爲君一戴雲華冠  
再拜贈君雙玉環

香山九老圖歌

黃山先生古道也自與在香山九老多裂素寫入

丹青圖請我爲作香山歌香山之老何徜徉  
洞天兮尊石床世氛謝兮遠朝市漁樵不用尚  
書郎上山兮採芳入浦兮鳴榔晞髮兮東旭濯  
足兮滄浪相媚兮瑤草同晤兮霞漿暢志兮逍  
遙樂天兮永康貝葉三車大道九還昆侖一粒  
日月兩丸神人嘘和壽無極華胥景象非人間  
東方朝隱滑稽子淮南小山昧絜已竹林酪酏  
豈大賢金谷豪華禍機耳黃山先生鳳斯作名  
遂功成高五嶽披圖悵然三歎息便欲投簪返  
雲壑吁嗟乎九老之風真可嘉蒼生望公殊未



涯

海山先生惠酒歌

君不見河汾待詔清流士，酪酏翻求大樂永陳。  
留步兵，稱曠達，一醉累月方始醒。楚狂去已久，  
不聞衰鳳謠。世人鑿混沌，我道學道還之。  
仙不可招無媒，白髮成飄騷。人生百年半風雨，  
十千美醞休輕拋。海山先生愛賢者，待我豈在  
陶公下甕頭。清醕蓮花香，不惜移尊過隣舍。暮  
禽何啁哳，籬菊開向闌。蓬頭奴子酌大斗，鶴氅  
丈人盃屢乾。朋僚彥彥咎夔作，帝庭遨遊亦  
不惡。樗才無補，聖明朝青雲敢望。平津閣閑  
日開襟，且酌酒安用黃金。始稱壽，醉來天地總  
虛無。萬事於予更何有。

遊張氏園池歌贈李宗伯兼簡梁劉二

尚書徐巖二亞卿

貴家亭館湖之涘，引水學作垂虹蟠。長楊夾岸  
不見日，扁舟疑入桃花源。南宮尚書李北海，文  
彩風流擅當代。携客聊借名園遊，看竹何須主  
人在。瑤草芳兮洲曲白，雲鳥兮波際清。歌奏兮  
倉庚，翠蕤兮薜荔。龍宛宛以存神，鴻冥冥而



多智滄浪可濯芟荷思製小山招隱角里高逝  
嗟古道之未湮幸今遊之獨契梁丘子劉公榮  
徐彥伯嚴君平讀書學道稱大賢皎如天上懸  
日星富貴豪華等蟲臂後來何謝千載名君不  
見石氏金谷園楚子章華臺當時氣焰何雄哉  
金堂玉榭裊烟霧于今寂寞成寒灰昔人絃管  
我既不能爲之聽我之賓友彼亦安能爲之陪  
綠珠樓空楚妃死惟有清風明月千秋萬歲還  
復來風月佳可適山水清可憐我來何啻蓬丘  
仙紫酒千鍾且行樂人間萬事俱茫然

贈別王司馬先生

海山先生達者流謝却尚書百不憂都人爭惜  
大司馬先生喜得逍遙遊君不見漢家貴盛稱  
楊氏四業五公照青史未央出入劔履尊一語  
回天山可徙當時氣焰何矯矯如今寂滅安足  
道華陰山下司徒墳石馬荒涼滿秋草海翁海  
翁從古然四時之序恒推遷未老身閑此真樂  
急流勇退稱高賢窮亦不足悲達亦不足喜白  
日入地還上天蛟龍能潛復能起揮手浮雲且  
歸去莫向人間問前路屐齒高躋岱嶽峯釣竿



閑掛扶桑樹扶桑海岸是君家仙人常駐五雲  
車為余寄訊洪崖子早晚相期凌紫霞

七夕篇

七月七日夜行行共道雙星會河漢織雲不點  
紫雲清南斗北斗光崢嶸仰觀乾度在掌指銀  
河假象非流水虛空邴得津梁縣鳥鵲瑣瑣安  
上天庭中瓜果時新饌再拜天孫願相眷丁寧  
兒女休乞巧汝翁之拙亦自好

九日遊觀音巖歌簡同遊諸君子

南都諸曲官事簡南都大夫樂遊行我來半歲

值多務九日登高不嫌晚太平門開山簇簇錦  
石靈泉間珍木野人已慰滄洲心諸賢真享烟  
霞福觀音閣下秋江橫燕子磯頭瑤草青雖無  
仙菊十丈把頗有名酒千杯傾金陵佳麗區萬  
古來賢豪靈運詩篇懸白日安石棋墅生蓬蒿  
我生何啻鴻一毛浩歌不謝青天高東吳山水  
興方劇北極星辰夢已遙回瞻句曲峯上接牛  
女磯華陽七十洞洞洞生陰暉矯首招鴻蒙把  
臂談希夷玉仙之居天地樞堯水不沒秦兵迷  
赤龍曰鵠日飛走瑤戶金壇紫雲阜塵中懊惱



傷素懷欲向茅君結賓友

梁苑二子行寄遠夫元傑

吾邦一子磊瑰豪神彩仙標兩無敵公幹才名  
滿霄漢黃門氣節真金石頃來解組入雲林徒  
使蒼山土望公奭今年歌舞人豪華明年安保顏  
如霞破嶽山有劍不一試明月寶珠空照車誰言  
潦倒塵生埃裏坐見龍鸞向天起相思欲寄杜蘅  
香北垣王迢迢隔千水只今雲卧梁王城沙上高  
樓盤此不清鄒枚復來梁王去鳧沼蓬池萬古情  
何時故鄉里同携手藜杖東岡復東臯堂上鳴箏  
酒滿壺拂舞春前爲君壽

張中丞操江行

江上水軍齊靄靄跨櫓懸旛已夙待陣分天地  
九圍花氣變風雲萬條彩中流伐鼓揚羽旗中  
丞親督操江師衝前突後奔潮湧千艘萬艦轟  
雷飛江中駭浪滾滾生甲光閃爍流日星馮夷  
魄奪海若走六鰲股栗三山傾白戰無休鼓聲  
怒縱爾真敵亦狼顧恍疑風雨挾鬼神頗似蛟  
龍盪煙霧瀆吏江爭霞幟飄不聞人語聞鳴橈  
龍驤振旅收吳會伏波樓船清海妖公昔開府



當銀夏五萬貍貅不嫌寡賀蘭山下春草青何  
物胡人敢馳馬中丞中丞有深慮居重圖輕貴  
形勢承平日久諱言兵笑殺迂儒抱經濟

兩厓行

吾聞楚南之山雄兩厓古帝劈此鴻蒙開元氣  
遙連日月宮丹梯上接金銀臺山中高士握靈  
筌妙論不數楊雄玄秋巖卧雲宵壇步烟綠綺  
奏雅滄浪扣舷世人不識蓬丘客共道山人是  
謫仙一朝風雲拔地起繡衣白簡持王紀陽和  
浩蕩潤蒼生奏牘三千動天子昨來攬轡清  
淮海王操冰肝古人在秋鷹擊野無遺毛苞鳳  
鳴陽有餘彩只今曳裾丹華府回首雙厓滿芳  
杜釣臺閒久潭水深惟有遊龍自行雨

成都客星歌

松州番爾射虎戎州蠻爾賊虜擾我耕殖蹂我  
疆土去年乞運米糧貴今年調兵壯丁苦成都  
客星光爛爛匣裏龍韜輓轡劍何時眼見風塵  
清睡穩江城旦復旦

贈吳總兵東城飲酒歌

征蠻將軍白無事美酒邀賓選佳地東城日出



開錦幃翠木流鶯滿幽意幽意豁煩襟雲林晴  
亦陰飄然仙造入雲裏清興不假流泉琴此方  
二三月纖筴試清暑佳日即招携公餘對歌舞  
浚儀豪士山林仙高懷逸氣凌遠天片言道合  
即相醉况是侯家玳瑁筵君不見杜陵愁白千  
丈髮還望關山心斷絕三川故人失所依長年  
飢走荒山月荒山搖落霜霧寒四海無家歌路  
難我今雖非二千石軒蓋翕絕青雲端况逢世  
運當明昌主上好武邊陸康梅生不願隱吳  
市季子何心耕洛陽官曹清淨隱方朔風流更  
欲論文章錦城之春春可拾搖蕩江壖趣非一  
丈夫達命且樂酒休待花飛遲明日

孔雀圖歌

九真之域連南溟二儀運化山水清砂乳遙分  
南斗氣孔翠偏含赤帝精羽毛皎皎傾九都紫  
茸花點金明珠光儀色相遙伶爾曳電飄霞宛  
相似春晴矯入蒼梧天月冷翻迴洞庭水洞庭  
蒼梧滿光采閭岑玄圃空相待清夢偏宜瓊玉  
田閒心最惜温涼海紅鸞舞月共佳期白鶴冲  
雲更不疑長隨玉女朝九藥每看仙人晝賭棋



仙人玉女紫雲隈翠作鑾車金作臺靈椿白榆  
對結子八千餘歲仍歸來温伯雪子錦城仙文  
藻風流世所賢堂上春暉烟霧散圖中玳翼鬼  
神傳秋風明日歎離居巫峽吳江萬里餘願借  
交南雙錦翼為傳天上玉宸書

青城山歌送郭魯瞻赴闕

巫峽之西金天開青城翠闕分蓬萊白帝吹成  
五雲氣素女削出蓮花臺蓮花臺閣中天起五  
岳三山宛相似絕巘翻迴日月車飛湍上接星  
河水飛湍絕巘相洄沿岷江直與東瀛連側峯

倒映我眉雪浮雲下入蒼梧煙我臨出日望滄  
海紫氣猶疑仙人在三十碧峰蓮花開飛翠層  
嵐蕩靈彩金莖着花幾迴拂玉檢遺章不能讀  
游龍矯後玉潭空歸鶴重來海桑綠我客青城  
改歲華君遊丹闕早迴車東高峯頂春閒處共  
揖丹丘弄彩霞

奉同章道克徐用先遊嘉州凌雲山歌

限韻

我眉東峯走勢盤凌雲下厭三江寒江水橫分  
嘉陽樹憑高送目開心顏我來山靈掃雲谷松



風蕭穆灑藤綠磨崖十尋九崩缺荒詞纂纂誰  
能讀砮岸衝濤劇奔注繞欄層翠相凌突仙人  
方丈許相亞帝女天台恐常俗氣槩鳳麟洲閃  
灼芙蓉城白鶴幾迴老瑤草逐時生崑崙之東  
此竒絕應知古帝勞元精章太守徐侍御瑩瑩  
冰壺寒宛宛鳳鸞翥天上星辰照心膽塵裏勛  
名比風絮愧爾兩豪賢招我入空冥坐我碧霞  
壇飲我紫金觥繞壇竹樹風冷冷六月彷彿踏  
層冰興來起舞舞吹雲笙不覺倒盡沙頭瓶君不  
見嘉山蒼蒼古人城嘉城空對碧山月人生良  
會安可期我行日夜生白髮日暮飛雲迷畫棟  
清江片舸誰能送淪落休言比闕書睽離時有  
中原夢夢迴山月下平羗牛渚吟成興渺茫却  
到東川重回首杜蘅秋冷峽雲長

南昌行

豫章妖星蝕太白飛入鈎陳闕光赤欽天博士  
不敢奏遠臣見之空嘖嘖周公卜鼎八百春漢  
代規摹遠過秦山東諸侯自破滅淮王鷄犬安  
能神白洲老子中臺長何用文章謏新莽慶陽  
鄙夫稱雄特學得兵書翻助賊南風不競北人



力東門黃犬嗟何及君不見河南許汝登名達  
皎皎真丈夫口中舌可斷萬歲不肖呼匣裏寶  
刀光電電悔不先發梟賊顛報國心丹不言苦  
甘死寧能效囚虜已拚魂作太湖雲何惜血染  
洪州土黃霾塞天白日昏長風翻江帶心怒鄱  
陽未接勤王師坐令狂奴氣先阻汝登汝登振  
古豪吞聲苟免蜉蝣曹

焦氏園看花吟

連雨十日園花少海浦先生被花惱今日雨晴  
花復開無媒蜂蝶紛紛來先生手提濁酒壺飲  
乾旋向城中沽惱雨惱花不惱酒把酒看花還  
自壽達人曳珮明光宮相國勲名天下雄回首  
故園春艷艷可惜花開幾曾見

介福堂篇

崦西徐少宰奉

恩例誥封其母太夫人 制辭曰介晚福於慈  
闈少宰公取以扁其堂蓋榮

君之言紀堂之實可以述而賀矣乃作是篇用  
備樂歌

震澤發祥徐氏昌王爲構櫺金爲堂七十闡干

掛星斗中梁白日雲霞光阿郎為帝卿阿母錫  
誥離離 皇言琳琅照其楣珠帔珊珊玉珈峨  
峨蘭森壁映諸孫羅姻賓并舞氣妍和堂中樂  
事亦已多西王母來獻桃如斗南岳夫人長跪  
進酒流微切羽清鍾迭奏雙虬拂幃飄輕統九  
鸞颯颯歌狸首千年介福萬年介壽

王氏家藏集卷之十三目錄

七言古體二十七首

西京篇

明月篇

彭城歌

長城行

守關贈苦竹朱生歌

赤壁圖歌

姑蘇行

雲安仙客行



南山篇壽丹陽孫隱翁

南極老人歌

礪門行

胡桃溝行

龍盤巖泉歌

西山行

寄何粹夫

酬何仲默

酬孟望之

望之宅夜集分體得長句

鵲湖亭宴集贈張天益道長兼訊何粹夫

何仲默二內翰

過瀘州有懷田廷友兵備

贈別張廷獻方伯用韻

夔州簡盧朝言

送石君錫

重慶寄張元傑

孫氏園宴集有序

海上秋望

華嶽行送李惟大僉憲之關中

王氏家藏集卷之十三

浚川王廷相著

門人鄒紳湯憲余承業校正

七言古體

西京篇

秋風潑潑咸陽道渭浦千霜白秋草秋草秋風  
暗古城行人猶說西京好西京宮闕鬱崔嵬紫  
閣終南相向開建章長信飛塵香千門萬戶華  
陽迴地底靈符生寶玉天中王氣夾風雷翠華  
纒輅乘春令皓齒青娥艷落梅青娥如花復如



雪含情含態可憐絕鴛鴦比翼蘭塘水鳳凰雙  
栖上陽闕君王自愛長生樂粉面鉛姿却情薄  
已聞入海訪神山更道分官祀靈嶽靈嶽神山  
在何處太乙無靈歲華暮壇上烟霏首和香青  
鳥飛來忽飛去瑤池王母碧霞盤桃賜人間已  
三度少翁擊鐸復吹籥雲旂風馬沓紛錯官娥  
屏隔不敢近神人荒忽但虛幙衛家霍家大將  
軍提師十萬淨邊塵出塞陰山繫驕子歸朝原  
廟薦高勛勛業已成分戚里女作曹人男尚主  
甲第層甍照九城珂馬飛軒滿三市一言得意

即回天卮內收符奪晉鄙金張驕侈不足云寶  
灌豪華詎相似貂冠齊入分椒舍朱門盡是鳴  
環者鬪鷄小兒紫袴褶臂鷹奴子大宛馬美人  
妖女傾名都碧玉珊瑚闕天下富貴繁華驚轉  
蓬王侯鐘鼎一朝空羨門子晉終不至蓬壺方  
丈難相通前日豐碑辭纂纂平津已作汾陽撰  
野火燒殘金明閣秋水崩沈射能館春花秋月  
劇無情海水桑田漫莫憑玉枕早出秦帝苑石  
麟悽斷漢家陵漢家陵樹滿氤氳千秋萬歲灞  
陵存君看橋下春楊柳落日飛花愁殺人



明月篇

明月漾金波盈盈隔絳河  
 桂殿飄香迥兔宮丸  
 藥多七襄機冷停織女  
 九重簾捲顰嫦娥  
 嫦娥嫦娥織女時  
 同伴天上人間願相見  
 團團流影銅龍樓  
 嫋嫋含輝紫宸殿  
 滄溟躍出水晶盤  
 萬戶千門作意看  
 石鯨秋動昆明沼  
 王虎宵吟金井闌  
 漢帝金莖瑤液凍  
 竇家雲閣紫簫寒  
 君不見三千宮闕  
 光窈窕月華冷浸長門道  
 翠輦不來春已殘  
 金扉未落花先老  
 此時班姬雙淚垂  
 此時陳后寸心悲  
 娥眉曲曲徒生艷  
 玉貌盈盈欲待

誰娥眉玉貌成消歇  
 別殿深寒  
 素對月屏開

翠素塵欺被掩鴛鴦  
 芳麝滅金屋何時更來往

紈扇此生長離別  
 空令圓魄入金闈  
 空令蟾彩

照羅幃紅香冷落  
 難成寐惱殺啼鳥  
 半夜飛長

安思婦上高樓見月  
 偏驚枕簟秋寒衣未寄  
 清

霜塞獨夜深閨王  
 筋流閨中絡緯宵唧唧  
 朝下

裁縫暮仍織征人遠  
 戍在龍城作得戎衣長  
 歎

息與君結髮方及笄  
 不謂少年成獨棲  
 迴文織

就空傳恨團扇粧成  
 却掩啼鴻啣尺素  
 君可聞

寶帳蘭煙徒自薰  
 今年且對長安月  
 明年願作



巫山雲又不見七貴樓臺連上苑五侯甲第開  
金館洞裏看花春杳冥池上聞鶯朝睨曉畫舸  
風迴紫煙滅蘭堂月上香霞捲秦女吹簫雲霧  
鬟越娥拂舞錦爛斑龍鬚席上九鸞下玳瑁簾  
中雙燕閒簾開翠幙黃金屏含嬌含態鬪娉婷  
夜夜芙蓉人似玉朝朝蘭麝酒如澆新年相贈  
同心結元夕爭懸長命燈不道人間有失路惟  
知天上會雙星月明光光恒在天人生豈得長  
相憐憂愁抑鬱春生草富貴繁華東逝川休言  
豪焰凌百代休言嬌寵無時改鳳凰拋却萬千  
枝睢鳩留下長生海風流裊那片時春飛燕不  
來官草新請看廢苑荒臺曲月夜精靈夢著人

彭城歌

黃河連天走東海呂梁番作彭城湖南山偪仄  
如堵墻顧此豈是王者都秦人鏡破項氏昌分  
裂天下封侯王關中天府不自取齷齪東歸念  
故鄉錦衣龍劍青驪駒沐猴而冠安足誇七十  
餘戰身不死東城古塚令人嗟令人嗟令心酸  
英雄錯莫楚漢間不忍談之生苦顏楚王梁王  
赤心死誰憐功力排南山我作彭城歌淚下不



可視飛爲大梁雲流作淮陰水功能蓋世成禍  
胎拔山之力只如此人生富貴不能久安用區  
區稱萬壽沉吟投食爲爾悲不如東陵老瓜畝  
君不見張良起從隆準公指揮兵馬摧群雄功  
成願逐赤松去渺渺江漢飛冥鴻

### 長城行

請君試促鷓鴣絃彈我古瑟長城篇此曲一奏  
一轉悲淚下迸作東流泉六國之滅如土崩祖  
龍虎視天下雄惟有獯胡尚侵併便欲築城遶  
海東築城日以高士卒日以疲白骨無人收遊

魂何時歸斷山堙谷地靈苦三戶抽丁楚人怒  
匈奴披猖不可防枉使秦人半成土沙丘龍死  
威已狙鬼域竊起專龍符欺天矯詔擁稚子誰  
道亡秦是北胡望夷宮中鹿爲馬泗上真人取  
天下咸陽一炬秦土焦長城高高何爲者區中  
朝代如番掌塞上年年築亭障華馬池東沙積  
深胡騎奔騰日來往

### 守關贈苦竹朱生歌

苦竹山上山鷄啼苦竹山下行人栖山人留客  
獻斗酒我醉起舞生虹蜺浙西葦寇蛟螭蟠儒



生曳纛行守關飛龍匣裏三星劍明月腰間雙  
 王環顧我豈是鬪鷄子決勝五陵心膽寒大人  
 重義氣虎變非常倫排難不受賞成功耻因人  
 卷舒亦自得蕭洒見天真委身報知己努力迴  
 風塵君不見齊中亞父落魄客奔走諸侯賤兵  
 力天王坐見朝明堂掃淨旄頭紫垣赤又不見  
 隆中諸葛讀書者感會風雲龍鬪野江陵一炬  
 萬艦灰一日精神滿天下宋生宋生與越豪醉  
 來擊劍秋雲高伐楚倘能得劇孟脫我寶貝驪  
 珠袍周官司馬在自餘碌碌安足驚丈夫

強志報 人子鼎清六合垂鴻名

赤壁圖歌

黃洲先生碧霞客盡愛儋州老秃翁風神千古  
 宛相似黑夜時有精靈通翁昔謁帝蓬萊宮承  
 華承盼玉堂中醉來落筆驚豪雄揄揚堯舜邁  
 國風下直籠歸寶蓮炬退朝騎出天閑龍一朝  
 飄落天涯去影影飛蓬悲日暮長歌嘯傲凌楚  
 雲誰識莊生曠遠處長江流不息高興逐歸潮  
 忽來感激古人事月明携客搖輕舸舉頭望明  
 月回橈蕩漣漪裘被冷洞天闊紫簫吹裂浮



雲飛浮雲黃鶴不相待明月離離下滄海長風  
吹翁入杳冥二客渺然失所在馮夷水仙波縈  
紆飛虬作梁鸞爲車七十樓臺映金闕三千珠  
黛鏘明瑤仙人握手拾錦花玉田紫芝紛如麻  
天門空蒙流雲霞歸來不覺道路賒山之壁高  
嵯峨江之水揚湍波昔人遺跡今人歌舊國已  
空鳧鴈多大江之篇白日高當時頗爲周郎豪  
橫天叫嘯意難盡逸興猶能念二喬望瑤臺挹  
清氛三十六帝不可聞下視人界空蠓蚊黃金  
休鑄鴟夷子絲絲虛繡平原君何如秋堂突兀  
坐此老令人飛灑開心神

姑蘇行

閶門水綠春如錦春水盈盈片帆穩遊人唱徹  
江南詞共說姑蘇美不盡姑蘇山海自天開佳  
麗今從聖代回九州天府茲良是估客帆檣萬  
里來黃金浮夜氣空青過西州酒徒醉擊瑪瑙  
案豪家不數珊瑚鉤三條五劇芙蓉花鍾鼎文  
章十萬家尚書坊裏金行馬閣老門前玉辟邪  
別有豪華勝開府高館飛甍臨大路累石花園  
擬峯巒引水金塘裊烟霧金塘花園風光好燕



子鴛鴦滿芳草二春花落不知愁猶自延賓醉  
晴昊不辭門屏繁車馬玳瑁筵開意彌下挽入  
幽房與香綿催上蘭舟更飄灑桃根桃葉雙小  
仙教成歌舞勸芳筵紅衫慣作前溪綠絲扇初  
番子夜篇不嫌死作合歡樹但願生爲並蒂蓮  
蓮花花開香遠聞願取縫君夾錦裙水底蓮根  
解人意明年開花仍奉君君不見吳王雄長爭  
黃池一朝霸業風雷飛自云祖德讓天子今乘  
王氣東南陸前年入郢鞭楚王今年浮海婚齊  
姜齊姜不及西施艷別畫雙娥新樣長長洲射

獵歸來晚促賜金錢代休澣深宮夜語不飛香  
承恩常是無人見繁華不爲昔人住江水悠悠  
日東去采蓮惟聽今人歌落日風吹烏柏樹洞  
庭山太湖水千載白雲宛相似六代三吳竟誰  
是會稽謝康樂眉州蘇學士天上精靈如可期  
擢我扁舟泛三子我勸二公金屈卮二公酬我  
白苧詞醉來引手抱明月清光豈是真娥眉洞  
簫一派彩鸞下鐵笛三弄浮雲馳浮雲天際生  
氛氲世路茫茫愁殺人請君拋却眼前事同醉  
五湖湖上春



雲安仙客行

掛帆三峽口迅與浮雲爭誰言天險不可越逆  
流飛截雲安城雲安中丞老仙客解紱歸山坐  
盤石江頭風雨候我來開閣趨風薦瑤席憶昔  
個儻攄虹霓十萬提師爭沙磧鬚眉霏雪外臣  
老逸氣稜稜尚堪挹飄如無心雲隨風逐遙天  
日食松脂液行參姤女篇塵氛不入世人調風  
期直結丹丘緣相逢漫作采真會沱江何謝習  
池年雕車白馬長安道何如滄洲拾瑤草法冠  
崔嵬金馬門何如曳杖看鷄豚功成寵極不可  
處哲士先幾鳳皇舉感君幽致引興多梁野行  
歌夢如雨

南山篇壽丹陽孫隱翁

鍾山東蟠龍鳳飛三茅句曲連紫微古來靈秘  
號仙府金壇玉洞生陰暉中有人兮眈玄脩構  
層阿兮臨長流日月倒掛崔峩壁鳳麟時下滄  
浪洲擬遊兮壺淑暢志意兮延佇沐薰裾兮  
蕙風對沾筵兮花雨拾瑤草兮瓊芭弄素月兮  
彩霞掃石床兮鳴琴泝清江兮汎查心不染兮  
塵寰夢不到兮天關嗟古昔兮豪英邈伊誰兮



可班杜陵老兮悲遠道陶令歸來酒錢少鹿門  
力耕妻孥貧會稽避時頗枯槁翁之樂兮無極  
與南山兮爭色顏桃花兮不老心流水兮可挹  
千金散盡周窮厄五芝生成養心魄避秦綺皓  
稱遺仙遁越鴟夷傲邦伯嗟余流落風塵晚賢  
隱高風意何限長江未掛丹陽帆聊逐浮雲望  
吳巘

南極老人歌

君不見天運有樞開兩辰南極老人主其下邇  
來七萬九千年鬚眉如霜面猶赭長生玉錄手

親判往往人間祈遐筭蓬萊屢見滄海枯岱嶽  
重歌白石爛玉帝朝回鶴鹿閒日會群仙敞高  
宴列缺鳴園鍾麻姑薦瓊膳呼蜃彈飛龍揮鸞  
舞流霰九華之臺青鳥飛王母來過雲滿衣盤  
中桃實大如斗窓外小兒那得窺宴罷群仙散  
彩霞雙雙玉女導雲車層霄不道靈風遠下界  
空悲白日斜金泉先生壽八紀炯炯方瞳鬪秋  
水人言上應南極星畫出老人宛相似南極秋  
連南斗傍巴山處處流輝光玳筵側畔香風起  
恐有天人來乞漿



礪門行

君不見益州西下礪門路中使通番從北去烏  
思藏接金天洋祇陀林園在何處三千法供內  
中傳梯航直入西南天珠旛龍象疑靈雨寶帳  
蓮花闔日躔法王十五心尚孩袖裏不聞風與  
雷使臣百問不一答說向中朝色似灰妖僧鬼  
蜮心冥冥疲勞中土玩 明庭我 皇神聖懸  
日月爾曹誅絕應無輕渤海流賊飛颺疾薊門  
胡馬連雲黑佛來不來賊誰平天地闇慘愁無  
力

胡桃溝行

松州之南茂州北豺狼當道儲餉厄中丞調兵  
急於火夜裏平番礪房破游擊將軍張世賢赤  
心殺賊不愧天胡桃溝裏被圍急彎弧四顧心  
膽宣高岍當前後番虜箭鏑奔雷麟地戶胡騶  
不幸誤一蹶徒手猶能搏彫虎苗家叅將才且  
都守邊不數丁大夫忍令對面不相救安在奮  
勇西擊胡幾人同來不同死將軍血作溝中水  
生時豪氣雄萬人死後忠魂報 天子邊城二  
月吹蘆笳怨聲番入胡桃花胡桃  
花開白練練



溝底行人泪如綫

龍盤巖泉歌

閩州北來日蒸歔雨巫不靈風伯驕泉枯井底  
溪無水六月行人渴欲死龍盤巖下泉活活下  
巖十丈方解渴安能移置大道邊旱雖不救行  
者憐

西山行

西山三百七十寺正德年中內臣作華綠海會  
走都人碧構珠林照城郭憶昔武皇倦機務  
金馬門前有權豎賣官何止火並為堂通賄能令

冠上樹六邊將帥多奴賊未掛符先見面文  
官細瑣不值錢鎮守監鎗動千萬熏天氣焰侔  
天子嘘之者生啐即死眼前變故如掌翻有賄  
方能保無事南海明珠不足尚西域珊瑚鬪尋  
丈九州珍寶集京都遂使私門敵內帑人間  
富貴爾所有不慮生前慮生後高墳大井擬王  
侯假藉佛宮垂不朽鑿山九仞平如席殿閣暈  
飛照雲日已請至尊親賜額更為諸僧求護  
勅東林畫壁千步廊西林蓮臺七寶粧南庵日  
月低浮圖北寺虹霓垂石梁金銀何筭委溝壑



夜夜中天生寶光釋迦釋迦爾亭會慈悲反受  
豪華累土木橫起西山妖忍見蒼生日憔悴

寄何粹夫

孟諸秋風太行月雙飛伯勞書空發玉琴幽怨  
君不聞明德無緣歲光滅桃花欲開江水渾我  
行南訪武陵春相將白日弄烟霧垂魚縮綬非  
聞人

酬何仲默

君不見宰相府中擁笏客彤管華袍坐芸閣又  
不見金馬門前執戟兒虎牌金印提邊師落落

平生不相面萬言不一留屏幃山鷄竊比鳳鸞  
毛款段笑殺驪騮蹄世人貴且不貴眼安能齷  
齷求相知君家淮水南我家黃河湄執儒簡策  
被儒衣十年同拜天子墀手中雷電不肯發神  
氣力挽滄溟迴古人流水東歸海學士文章幾  
人在頃來贈我關中詞白壁明珠滿光彩食封  
萬戶安足道麟閣削名等霜草留取精華五百  
篇日月闌干轉蒼昊風波金闕津懊惱銀臺門  
羽人飄飄好顏色携手五湖烟島春

酬孟望之



歷亂飛鴻影送我秋風悲秋風別君黃葉寺走  
馬秦關今幾時秦關雍水帝王州漢關唐陵灞  
澗頭古來詞客不相負暇日獨尋名勝遊華嚴  
川上雲霞開紫閣峰前錦繡堆千載磨漫轉川  
畫令人指點昆明灰皇圖霸業惟流水遺魏古  
祠空蒿萊昂藏四老在何處寂寞五陵真可哀  
觀山觀水秋風客落日懷君晚坪赤雲中逝我  
尺素書遠道開緘三歎息睢陽蔡黃門大梁田  
給事明月春花軒相呼吾與子百壺傾倒不論  
錢誰識長安四酒仙酬堯酌舜舜不起把酒高  
歌行路難山公醉來忘捉鞭騎馬馬走青樓前  
樓頭倡女遠相認襄陽小兒笑向天習家池平  
幾千載山公風流至今在頭童齒豁行相及停  
觴住拍欲誰待登山覽勝秋茫茫此時憶君空  
斷腸東飛伯勞不辭遠瑤草靈芝好寄將

望之宅夜集分體得長句

燕山酒濃琥珀滑客能歌兮天有月醉來舞月  
弄雄劍不言相顧心膽發前年放逐客今年柱  
下史嗟哉衡陽鴈迴翔八千里憶昔帝傍生  
回邪妖狐嘯梁鬼載車長風愁人晝吹沙坐令



白日失重華翩翩三青禽日飲瑤池露野火入  
漢宮猶栖上林樹我欲因之見紫皇玉闕瓊樓  
隔烟霧孟夫子王佐才談笑安蒼生飛步升雲  
臺回瀾倒海一揮手補天有石君莫哀我家梁  
王苑日日春花開烟蘿搖石門霏翠驚蓬萊雖  
無魏公子抱劍且啣盃富貴不足求風雲如死  
灰滄洲鷗鷺同心侶丈夫不逢歸去來

鵲湖亭宴集贈張天益道長兼訊何粹

夫何仲默二內翰

憶昔排雲入天府玉堂學道瀛洲仙一策君

王賜顏色方朔奏牘空三千出入黃金閣歌嘯  
白雲篇天遣鳳鳥下人羨重華年愁雲忽起彌  
九關虎豹守闔天路艱五嶽崩摧不可拾義馭  
冥蒙何時還黃門御史一網盡公卿屏逐如拔  
菅二三君子謝時去龍藏靈芝誠可嘆帝怒  
掃清金馬門百官始知朝廷尊赦書罪已  
謝天下歛起廢滯求直言脩撰不得卧王屋閣  
老亦薦中書君普天環海風波息圖出河清瑞  
應繁君不見田翁樂歲還稱壽醉唱山歌更擊  
缶况我與子雄豪倫再睹清朝見良友鵲湖宴



開雲碧滋酌酒勸君君莫辭飛龍擎雲九天上  
不藉萬里長風吹丈夫達命且須醉無事苦心  
胡爾爲

過瀘州有懷田廷友兵備

瀘江直入三峽裏望美人兮江之涘投分相看  
意氣深不數邯鄲貴公子江城吹角夜何如戎  
南兵馬未安居丈夫自有龍韜在邯事遼城一  
箭書

贈別張廷獻方伯用韻

秣陵張子世有無古心不隨流代祖憶昔乘  
王門道霜斧振耀天山開風霆一鼓雨萬壑西  
土至今澤可濡頃年會取大邦伯經畧三川破  
常格度支不數劉子安戈馬從容救時厄雪山  
夜堠淨飛烽岷浦春風起寒蟄丈夫心事照雲  
海文藻風流更堪挹錦城拂拂薰日黃清春送  
客上河梁漫吹璫管紫雲閣細擷紅蘭芳草場  
君向吳江應見月月色江輝兩不沒素心尊淥  
幾時同遠夢飛雲日超忽

夔州簡盧朝言

巴東山高水如注遊子東行傍歸路五月江平



灑酒堆咫尺瞿塘誰敢渡峽裏雲霞日日新伏  
龍躍馬已成塵清歌長嘯風流在且醉夔陽竹  
葉春

送石君錫

柳條三月黃金縷曉踏飛梁送行子落花未落  
酒筵香一片離心渡江水酒醺斜日下江壩小  
隊雲車擁大賢萬里才瞻龍闕去陌頭人已羨  
登山

重慶寄張元傑

悲風蕭蕭江氣寒江城日落人閉關客行不行  
厭遠涉飛蓬歷亂摧心顏佳人遙在天邊居侍  
帝瀛洲樂有餘山高水闊鴈來苦空有相思那  
得書

孫氏園宴集有序

孫太史貞父居松城東有園亭花竹甚雅  
麗可客遊賞暇日招諸郡僚會集出前太  
守喻公別駕侯公昔會遊卷命客繼作嗟  
乎侯公西歸喻公長已園池宛然而主人  
高興不減疇昔覽者寧無今昔之感况余  
飄淪轉徙之人而於邑悲愴又其甚者乎



不可不作也乃題長句歸之

河上仙客王子衡獨携鸞鶴江南行翰林先生  
孫貞父天上歸來閒玉戶客塗相遇雲間城一  
語風期動千古千古東山遊今見東城野菡萏  
漾金池倉庚拂綺樹金池綺樹對蓬洲洲上開  
尊紫桂秋主人自是文章伯對客高吟承宴遊  
昇天一曲暮雲散白拂屢舞文鳩愁偶逢勝地  
可虛擲笑倚江天醉不休昔時賓客最相親登  
高作賦來何煩遺篇白日光可拾喻公侯公雙  
美人美人清標不相待明月臨池滿光彩

復盡新知樂美酒十千注滄海滄海日東徙潮  
落黃沙田雨絲墮泥潦白雲常在天昔人已去  
何時還我醉起舞清池邊人生有命不足辯直  
道何辭行路難謝安高卧蒼生悲尚父非熊來  
幾時儒術絕代當自保高陽酒徒那得知

海上秋望

海城秋深風雨急出門欲往道沾漑溪壑蕭蕭  
鴉鷓寒石潭漠漠蛟龍蟄長望望鄉雲不開中  
原書信何時來會將畫舸千絲纜自作三江逆  
浪迴



身國

華嶽行送李惟大僉憲之關中

君不見太華三峯連首陽，疊嶂橫天原一帶。巨  
靈突壁鴻蒙壑，放使黃河下東海。祥蓮翠嶺雲  
霞朶，丹掌橫捫星斗墮。鐵鎖高垂不可攀，玉女  
飛旌自嫋娜。河渭奔流波遶山，懸厓絕壁崢天  
關。傳經仙客乘牛去，棄繻壯士封侯還。君才本  
自洛陽豪，浩氣憑陵華頂高。酬恩虹貫三星劍，  
行部霜飛六月輶。登輶攬轡貞王紀，素志冰壺  
映秋水。豺狼擊盡蒼生安，關隴澄清望吾子。

王氏家藏集卷之十四目錄

五言律體一百五首

讀輔臣贊和集用韻

讀貞義書院集

訪庸之歸晚

九月一日作

恭陪 大廟 世廟享永禮成

官園

許進士挽詩

齋居二首



戊子初度

放朝

歲暮憶子材弟

王師

贈羅道士

秋日獨酌

晚步

下蔡

壽春

送周司寇赴南都

春日有懷東林別業二首

宿滄洲

泊天津

送許山人還潮陽

送別顧耀卿

客懷

送陳大僕明之

客路

寄价夫

四友亭有序



鵬鷁

蝶螭

蝶螭

鷺鷥

華嶽

汝曹

十八子詩

淹中作

早入左掖

登濟南城樓

寄薛蕙秀才二首

晚出左掖

送別李遜卿

送周國禎還郊城

途中晦日

行塞二首

月

和庸之韻

酬薛君采二首

雨晴

長安詩集卷之六

長安詩集卷之六

近海亭新成

登臺

雨中

九月

酬李獻吉用來韻

宰邑

宿周山人南池

梅花嶺

破賊二首

懷張孟復

野館

李渡命舟子徑過不禱祀

夔州

巴峽

望天峨

六番

詠蟬

金沙洲作

春日館中詠懷二首

入直簡許啓衷



舟泊采石口

村居有懷同館諸友二首

癸亥元日

塞下曲

謁楊亞卿先生墓

江浦岸望南京

去國

宮中樂

七夕

贈青城山智公

新年和价夫韻二首

王氏家藏集卷之十四

浚川王廷相著

門人鄒紳湯繼余承業校正

五言律體

讀輔臣贊和集用韻

大道 吾皇協乾坤泰運開 聖從湯敬入中

自舜精培至化先民瘼 虛懷任眾才交修成

一德海宇樂康哉

讀貞義書院集

學士斯文在 今王大道傳樞衡運函夏禮樂



協人天名世當貞會垂衣躋舜年明良真快睹  
異代仰茲篇

訪庸之歸晚

抱架瓜猶蔓搖闌菊正花秋光入屏幙地氣接  
雲霞我散尚書省來尋學士家清談盡高興不  
覺至昏鴉

九月一日作

燕郊霜露變卉木已淒微遠目從雲斷秋心逐  
鴈飛朝回仍對吏客去且扃扉急急營寒事兒  
童仰授衣

恭陪 太廟 世廟享烝禮成

帝心悽履露烝享薦時新儼若諸儀備咸和大  
樂陳 六宗恭主鬯 世廟啓明禋顯相微臣  
竊 居歆達孝仲

官園

步屨臨清曉塵襟淨素秋井梧踈下葉畦水細  
分流鳩鵲隨人喜雲霞隔苑幽園丁鋤菜甲吾  
道已滄洲

許進士挽詩

大造元無準逸才真可傷空聞龍振壑不見鳳

呈祥門闕尚書舊文章學士行南州徐孺子何  
必漢冠裳

齋居二首

齋沐依深省秋宵靜不禁螢踈時度閣  
鷓鴣暗忽驚林漫有梁臺夢其如魏闕心  
乾坤隨去住碌碌歲年侵

二

夕陽動高閣密樹下層陰暮色入簾早  
秋寒近榻深寂栖同睡鶴獨照有鳴琴  
擾擾浮塵裏誰哉共賞音

戊子初度

今年半百五陡覺髮華新衆羨老成日  
予惟漫浪人南州有耕畝北闕未抽身  
却憶鳧鷖伴相知爾獨真

放朝

伺漏恒侵曙披衣預及宵每緣風雨候  
還放紫宸朝許國身仍健匡時志未消  
平生足坎壈此日受恩饒

歲暮憶子材弟

歲暮思吾弟天長望欲迷愁深棠棣閣  
夢迭鶴



鴻溪戀關心猶切還山事已稽誰堪風雨候獨  
有醉如泥

王師

蜀塞通滇洱烏蠻曠蕩中奉辭戡亂畧分閩愧  
非熊羽燾風雲變王師戰伐雄星奔成獻凱未  
敢擬深功

贈羅道士

燕山羅道士十載復相逢背上霜華劍人驚赤  
玉龍乾坤白日速魚海碧霞重已解黃庭術弥  
高塵外蹤

秋日獨酌

梧桐一葉下天地九秋回水抱魚龍蟄風搖鴈  
鶩哀樊生新學圃陶令且啣盃醉裏忘栖泊乘  
閒獨上臺

晚步

返照窺林薄循行側逕迷孤村無客至二月已  
鶯啼池秀含香夢沙抽帶雨萋分明在人境終  
日得幽棲

下蔡

躍馬蒙城道飛津下蔡洲江湖行役遠天地此

身浮淝水寒烟積淮山叢桂秋昔人俱寂寞臨  
眺迥生愁

壽春

九轉八公谷行人識楚山孤城一嶂外落日數  
鷗還事迫無安步時危多覩顏回看鴻鵠侶蕩  
漾水雲間

送周司寇赴南都

畫省尚書重留却羨此行雲霄新斧鉞海嶽舊  
風聲鳳覽文明口鵬搏得意程謝公元雅量江  
表足澄清

春日有懷東林別業二首

野亭臨水曲栽樹半垂楊戴勝鳴陰雨鷓鴣下  
晚塘人閒知帝力花發報春陽又被浮名縛龍  
墀隔夢長

二

東坪纔一壑歸思及春滋狗祿迷初服耽幽憶  
昔時飛花飄絕浦浴鷺入荒陂素仲知予者音  
踈却自疑

宿滄州

北闕沾新命南江式舊遊朝帆發靜海夜火



泊滄州有美慚時傑無營附素流飄然隨去住  
天地一虛舟

泊天津

滹水分燕壤天津近海門乘槎遺世興飄梗旅  
遊魂落日帆檣集斜風賈客喧老夫舵樓底隨  
意倒金尊

送許山人還潮陽

片舫飛雲色來時送百蠻已遊北極徧仍向五  
湖還采藥桃榔浦誅茅薜荔山高風落桂海直  
擬謝公閒

送別顧耀卿

謁帝同君入寧親先我歸文旌層漢下畫鷁綵  
雲飛暫息燕臺駿仍甘越嶠薇里人榮畫錦江  
上望朱衣

客懷

久淹京國跡何日鴈同歸曉闕鳴珠珮秋堂念  
綵衣空憐高士傳慚負北山薇夢落春河處桐  
花滿釣磯

送陳太僕明之

太僕承新命鶴鸞出九里劍光留北斗玉篆待

東封衛苑三千駿唐閑十二龍攻駒防朔漠早已見銷烽

客路

客路春雲起微茫水國吹暍揭未遊建業猶自夢京華飄渺烟中鶴依稀滄上槎雖云別金馬不是去長沙

寄价夫

與子異鄉縣浮雲靡定在何由芳宴展空爾歲華驚遠水烟霞爛芳洲任若生中原龍卧穩落日迥含情

四友亭

松竹梅花古稱三友堅栢凌冬遺而不隸南司馬省左隙有亭松竹梅栢森然交茂三原王公嘉栢之操用稱四友刻辭亭背余暇日登亭臨眺四君拱立復爲餘友追念昔賢慨然有作

松竹梅花栢昔賢尚友深直從羣卉裏獨賞歲寒心貞節曾何黍遺芳衆所欽小亭春雨外無那草花侵

鸚鵡



爲齧樊籠損常將金鎖羈苦因言語慧生恨羽  
毛竒側目愁雲遠遊魂度隴遲誰哉憐鳳笈一  
放遶天池

蜨螿

寒蟬何太早六月已悲吟抱日番長咽驚風或  
乍沉清冷浮碧沼蕭颯滿高林頓覺炎氛裏添  
人秋意深

蝶竦

虛膽成五色難擬並三辰不普爲霖化番矜截  
雨神懸空從赫奕藉日強逡巡誰爲殲妖氣

令帝澤均

鷺鷥

飄飄江鷺色皎皎有餘輝遠迹超塵滓閒心合  
道機清溪時飲啄碧水淨毛衣莫接鷗鷺翼還  
應嚇爾飛

華嶽

太華終南首二峰紫氣纏雲中崢嶸掌右上湧  
祥蓮秘洞神仙宅丹梯日月懸直須凌絕頂歸  
去託登天

汝曹

三身集卷之四  
八  
聞道山南寇浮舟出漢濱洋中襲商賈水上關  
官軍揚子橫天塹樓船駕海雲汝曹失長技席  
捲在朝曛

十八子詩

辛未秋予出巡關中違友益而孤處暇日  
感念風誼各得一詩用抒懷慕因寄上

黃闕晚從宦脩然太古真憂時常獻策許國不  
謀身神馬昌朝瑞遊龍大野春未能旋節去心  
切老成臣

右熊給事紀

帝府三千闕青虬赤鳳林故人曾倚玉清韻比

兼金華首星辰近終由烟霧深未成手去徒  
有洞天心

右王給事

侍御臺中俊英謨代裏稀繡袍朝日近白簡帶  
霜飛察政千官肅匡時七曜輝同心復同案久  
矣得歸依

右李御史深

昂藏一佳士梁父每長吟季子能留劍幼安寧  
取金雖遊飛鳳閣猶有卧龍心才美何遲早休  
驚白髮侵

右張主事原明

雲霄分斧鉞關塞愧澄清乾變憂星緯時危念  
友生寇侵雙闕近家在一毛輕大諫攄成筭中



原望偃兵右于給事漆

英辯天人合儒術孔墨分鴻才須耐事達聖豈  
離羣虎兕堪垂淚兵戈未解紛好恢援世略休  
卧太行雲右何修撰瑋

吾宗元士秀新作大鴻臚獨擅朝正祝親呈王  
會圖公餘多散誕花發更歡娛騎馬長安陌誰  
家泥酒壺右王鴻臚希孟

秋虹懸寶劍白雪耀珠袍家在五陵下人稱三  
輔豪父甘淹草澤忽起逐夔臯世難宜雄略休  
辭報主勞右王給事元禮

乾坤一縫掖道貴作王臣闕步文昌府高吟蓬  
島春鷓鸞翔碧漢騾驥出清塵後輩看文體爭  
誇邁漢秦右郭吉士維藩

紫禁丹華府黃門白玉床咄班先鷺序殿侍切  
龍光直諫誰長孺英籌今子房四郊方多壘朝  
宁倚鷹揚右蔡給事天祐

浚野名流衆君尤間代珎文章生嶽色氣節聳  
秋旻介性酬 天子危言抑重臣豈無軒冕意  
只以一毫論右劉御史大謨

激烈崔亭伯風流賀季真君無調化手俱是釣



鰲人才炳文中虎儒堪席上  
瓊濟川今巨楫不  
必問垂綸右崔編修銑

與子兩黃鵠遙天忽背飛  
書迴青瑣闥夢繞紫鸞闈  
醉酒頻參聖耽詩已入微  
華春阻携手瑤瑟不成揮  
右田給事汝籽

振鷺齊飛日清朝養相年詞  
林驚藻錦士節邁蘭荃寶劍  
冲星迥明珠照乘偏洛陽舊  
才子不讓賈生先右張吉士衍慶

日日尚書省公餘興不踈  
贈行三謝句應客八分書  
昭語常憂國清文最起予  
列來重相憶微

雨杏花初右王郎中尚綱

路入秦陵遠心猶魏闕懸  
同升多後彥吾子獨才賢  
鯤運終橫海劍峯長倚天  
中原方作難努力向凌烟  
右張進士漢卿

龍章傳帝命鶴列簡才華  
海上留仙趾人間識使槎  
超遙竹林士飄杳玉清家  
欲寄三春草金光未着花  
右孟行人洋

中舍飛騰早華年帝閣遊  
揚雄擅詞賦方朔傲公侯  
命世才何忝匡君志易酬  
無緣逐鳳翼接影九龍洲  
右何中書景明



淹中作

病覺園扉苦蕪傷烈士情除兇因報國獲罪敢  
偷生亡命羞張儉齊名附李膺蛟龍失雲雨小  
吏莫相輕

早入左掖

玉漏千門曙金珂百辟來高旂層陛轉法鼓禁  
垣開肅肅瞻龍表閭閻接上才委身報明主  
獻納愧遲廻

登濟南城樓

齊山木葉下海氣已驚秋故國三年別王孫出

里愁青雲心日邈白壁道難酬鼓角風塵際凌  
兢獨上樓

寄薛蕙秀才二首

春回青瑣禁人隔紫霞峯野况同呦鹿幽心擬  
卧龍圖書崇舊學江海尚高縱悵望遥天末鴻  
飛意萬重

二

芙蓉榮舊國中夏水雲多有客曾聞道采蘭仍  
佩荷遠遊挾玉笛長嘯入滄波綰綬西臺史道  
遥奈爾何

晚出左掖

晴雲間不散  
晚出洞門深  
乳燕朱魚靜  
垂楊玉沼陰  
漢宮詞客賦  
堯日近臣心  
滄海何多難  
憂來白髮侵

送別李遜卿

家貧同竊祿  
世難獨離羣  
豺虎無藏日  
兵戈積鬪氛  
馮唐思報主  
王粲欲從軍  
早遂澄清志  
彤闈入侍君

送周國禎還邳城

汝上游龍客  
春來自作還  
一尊相送罷  
落日獨

看山萬事浮  
雲薄孤蹤流  
水閒東巖招  
隱地謝傳  
杳難攀

途中晦日

水落軒皇國  
天寒郭隗臺  
客程殘月盡  
歲事一花開  
鴈向衡陽去  
雲從碣石來  
乾坤無定跡  
旅思若為裁

行塞二首

閱計行邊遠  
臣工豈憚煩  
嫖姚臨瀚水  
博望見河源  
榆塞秋先到  
沙場日已昏  
前驅爭射獵  
飛騎遶平原



二  
黃河來九曲千古限中原漢世無全策秦皇豈  
易吞龍城沙作塞鷗嶺石為墩守要嚴烽埃窮  
兵不足言

月

冬月還如練澄寒漾遠空魚龍不照影川陸自  
成風萬里行秦塞三年憂蜀戎離心與流彩逐  
夜下關東

和庸之韻

平郊望不極臺上遠天青葉擇鳥窺井人閒風

掃亭孤雲供夕眺衆籟愜秋聽野性便幽靜非  
關慕獨醒

酬薛君采二首

眷汝賢良士常慚問道師兩年忻梗聚一別阻  
仙期夢入南辰近書迴東海遲淮王叢桂樹攀  
折幾相思

二

題書華山館采芷渭川湄遠道緘孤憤春風貽  
所思栖遑爲客久行役出關遲却謝滄浪侶濯  
纓負汝期

雨晴

一日三迴雨雲龍亦恣情虹含斜照出風逐晚  
涼生杖屨行園獨琴書留客清門邊雙翠柳拂  
几萬絲輕

近海亭新成

小亭如斗大結構向幽深海動蛟龍窟山圍橡  
栗林簿書休牒吏絃誦走青衿竊附匡廬會何  
須梁父吟

登臺

古人不可見還上古時臺九月悲風發三江候

鴈來浮雲通百粵寒日隱蓬萊逐客音書斷憑  
高首重回

雨中

片雲橫絕浦風雨滿中湖地坼魚龍壑天垂渤  
澥圖有時呈罔象無處問清都利涉甘遲暮丁  
寧戒楫夫

九月

東紀長淮泛行途秋色侵淒迷遷客夢迢遞故  
鄉心水落潮沙白天寒海氣深中宵正愁絕城  
角更哀音



酬李獻吉用來韻

放逐豈無象悠悠荒海頭空然望北闕那復夢  
西周吾道浮烟爾君心靜者流相將好顏色接  
老汴山秋

宰邑

宰邑今收錄危心庶少降土風人畫一山水世  
無雙省稼時行野觀侵或溯江却慚鄒魯學禮  
樂大爲邦

宿周山人南池

暝投山際館飯罷月中行爲坐佩杉影因留池

沼情蓮花心不染秋水夢俱清問我中宵意謝  
公春草生

梅花嶺

已過朝天嶺梅花嶺更遙慣行蜀道嶮猶自旅  
魂銷虎夜火明驛龍秋雨漫橋凌兢救時客番  
媿北山樵

破賊二首

湖上妖星墮勤王水戰羸逆天躬作孽助僞爾  
偷生已見梟鷲斲旋看象緯清 吾皇自神武  
拜首泰階平

激烈西江戰中丞破賊忙驅除才一夕權舞徧  
多方漢代規摹遠周王曆數長金甌渾不缺威  
德照遐荒

懷張孟復

秋風變芳樹遠思夾愁生之子今何在飄飄紫  
鳳城光風洒冠履白日到蓬瀛青鳥書難託歲  
華空屢驚

野館

野館荒溪曲藤花無數新暑雲爭噴薄遲日故

遠巡雷雨夜來惡蛟龍黑虎相摩多矣何處  
欲坐垂綸

李渡命舟子徑過不禱祀

兩岸猿聲急秋江湧暮潮榜歌喧落日帆影  
丹青帝子豈爲崇馮夷未可招長年休繫纜  
欲御冲風

夔州

獨舸東川客千峯白帝秋山開巫峽險江入洞  
庭流覽跡悲前代掄文愜此遊中原無躍馬耕  
鑿徧夔州



巴峽

巴峽何年鑿千流會入夔禹功終古賴天險蜀人私山斷黃魚浦江沉白馬碑英雄常失據休說寄安危

望大峨

四山烟黛淺轉覺大峨幽一路懸崖黑千巖石愁放光玉礪夜行雨自龍秋欲訪靈山洞稱花水亂流

六番

疊嶺師先捷松州部遠移不緣西人老都

旌旗火井秋能度礪門上輝可披六番從爾長莫作負恩私

詠蟬

一出塵埃上飄然爾若若山林高晴抱日葉密暮栖烟啄露心逾潔凌風無管易傳承蜩貴家客莫近五陵阡

金沙洲作

二儀開鄂渚千古漾金沙蠻舶來銅鼓仙臺秘玉華江山留翰藻冠履切烟霞北望隨征鴈秋心故國賒

春日館中詠懷二首

鳴鳩文苑靜鬱木午陰森高步登龍日清華澤  
豹林孤琴流水曲吾道大玄心謬跡神仙府春  
風瑤草深

二

華館宮城近朝回淑景移依稀幽鳳嘯浩蕩碧  
雲期社燕要皆至春花亦不遲雖云宦遊客何  
異在堦時

入直簡許啓衷

寓直清春早彤霞逼曙開  
樓切霄漢華蓋

道來事以臨軒奏竟緣諫獵裁回趨青瑣客獨  
羨長卿才

舟泊采石口

三日南風逆孤舟滯水鄉  
閨人拾蘋藻稚子歌  
滄浪楚嶂寒簾碧江蘼  
撥擢香浮生靡定止閒  
處足徜徉

村居有懷同館諸友二首

草閣朝光動聞鐘想玉除  
清曹多舊彥白日候  
金輿已上憂時疏寧無諫  
獵書却慚成伏枕幽  
獨賦閒居



徐步東林外蕭條歲又徂寒將辭草野踈葉下  
庭隅地迥書難得人閑病易蘇空然慕同侶素  
志已荒蕪

癸亥元日

斗柄春星動韶年玉律迴光風輕轉蕙晴日煖  
烘梅彩彩椒花頌深深竹葉盃萊衣久不展懷  
抱未成開

塞下曲

朔氣榆關早邊聲漠鴈來防秋遙度磧遊擊夜

啣枚虜帳聞風散胡笳帶月哀將軍占利涉莫  
近李陵臺

謁楊亞卿先生墓

楊公埋玉地今日始經過碑版文章在宮墻鳥  
雀多中朝誰舊德鄉社尚悲歌謀國餘長略吾  
生奈晚何

江浦岸望南京

風冷飢鳶集天秋木葉丹我臨沙浦口遙出暮  
雲端江氣蕭蕭湧山形龍虎蟠石城聊隱見五  
鳳赤霄搏

去國

去國垂清步到溟舒遠心僊壇留鳳宿海壑抱  
龍吟月出花林爽雲歸竹嶼陰微生方狗祿戀  
滯此中深

宮中樂

從容機事暇遊眺早春餘上林紛異鳥靈沼仞  
神魚塵淨九華殿香流百寶車笙歌迷處所疑  
是度襄墟

七夕

良晤自不處隔歲始相求誰知天上媛不作世

中愁泫泫漸臺夕踈踈蟾兔秋微雲淡河渚彷彿  
二靈遊

贈青城山智公

高僧真厭世山寺久依留古殿丹青落空林鐘  
磬幽月來聽法淨春至坐禪休閒日開龍鉢千  
巖化雨流

新年和价夫韻二首

河濱蒲花柳麗景入新年有客甘栖遁藏名邁  
古先春風熏杖屨社酒費招延附蹟商巖叟逸  
懷誓不遷



東晉書二

金陵山水會春到日登臨浪說神仙府猶懸去  
住心何時黃鵠舉隨處紫芝吟戀戀公家祿徒  
令素髮侵

三身集卷五

三

